

# Ufattelege 2.400 på fjellkonsert i



HAUSTA STOR APPLAUS: Sivert Høyem har stor applaus på Såto. Med seg hadde han musikar Christer Knutsen frå Stavanger.



PÅ «FYRSTE» BENK: Familien Fagerland Leirvåg er Sivert Høyem-fans. Dei hadde teke turen frå hytta på Hatlestrand for å få med seg såtekonsernten. Fv. Pappa Asbjørn Leirvåg, mamma Sandra Fagerland, Sivert Fagerland Leirvåg (10) og August Fagerland Leirvik (15).



SIVERT OG SIVERT: Sivert Fagerland Leirvik (10) fekk møta Sivert Høyem på sjølvaste Tysnessåto.



FOLKEHAV: Ufattelege 2.400 personar fekk med seg såtekonsernten under Tysnesfest.



BILET-SEANSE: Det var kø for å sikra seg bilete i lag med Sivert Høyem. Her er det tre veninner frå Stord som får nys sitt oppfytt. Fv. Evelyn Sjø, Wenche Åse og Arnhild Aas Vad.

– Eg blei eigentleg heilt rørt. Det var berre heilt nydeleg å sjå så masse folk samla på Såto, seier programleiar Anne Marie Kleppe.

Ho var programleiar i fjor og. Då var det 1.125 som fekk oppleve Søndre Justad i skodde og regn.

– Me fekk eit lite innblikk då me kom fykande opp med helikopteret. Då var det kø i den eine stien som me såg, men det var fyrst då me kom gåande opp frå helikopteret og over skrenten at eg verkeleg såg kor mange som hadde teke turen.

– Kvifor så stor oppslutnad?

– Å koma ut i naturen, opp på fjellet, og der er det ein konsert. Det er ei unik oppleving, og ikkje noko ein får oppleve kvar dag. Eg kunne vore der i nokre timar til, å oppleve musikken saman

med andre og sett på det folkehavet som var der oppe. Dette er noko eg har lyst å oppleve igjen.

– Fantastisk

– Gratulerer til alle dåke som er her. Me flaug, opna Sivert Høyem, før han slo fast at det er hyggjeleg å vera på Tysnesfjellet.

Og etter den fyrste songen tok han opp att kor flott det var å vera på Tysnessåto.

– Eg trur det er den fyrste konserten me spelar i oppoverbakke, la han muntert til, til smil og jubel frå publikum.

Med seg på Såto hadde han musikar Christer Knutsen. I kring tre kvarter fekk me høyra den eine vakre Høyem-låten etter den andre.

Til slutt fekk me høyra «Sleepwaking», «Love, Leave Me alone» og heilt til slutt

«Majesty». Då svarta publikum med jubel og klapp, og musikaren sjølv slo fast at det hadde vore ei fantastisk oppleving å spela på Tysnessåto.

Sivert fekk møta Sivert

I god tid før konserten tek til har familien Fagerland Leirvik frå Bergen med hytta på Hatlestrand benka seg nærast på fyrste benk på Såto. Dei vil få med seg Sivert Høyem på nært hald.

– Ja, me er Sivert Høyem-fans, slår mamma Sandra Fagerland fast.

Pappa Asbjørn Leirvåg nikkar samtykkjande.

Dei to borna Sivert (10) og August (15) likar og musikken. Dei er nemleg godt vane med å høyra Sivert Høyem-låtar i heimen.

– Turen opp til Såto svarte

til forventningane, seier pappa Asbjørn, i det artisten er klar til å setja i gong.

Etterpå var det ekstra stas, då vanka det bilete til familien; med Sivert og Sivert Høyem i lag på Såto.

Dei var ikkje åleine om å få nokre ord og eit bilete i lag med den populære artisten. Folk stod nærast i kø, både unge og eldre, for å bli foreviga i lag med Sivert Høyem. Mellom dei var ein veninnejeng frå Stord: Evelyn Sjø, Wenche Åse og Arnhild Aas Vad.

Imponert over Tysnesfest

Etter konserten har Sandra Fagerland berre lovord å koma med.

– Ei oppleving heilt utanom det vanlege og ein konsert med eit flott repertoar. Song nummer to, «Into The Sea», sette standar-

den for heile konsertopplevinga, skryt ho.

– «Sleepwaking» var og utruleg fin, i tillegg til fleire gamle melodiar, legg ho til.

Totalopplevinga, med turen opp, konserten oppe, og turen nedatt med konserten i minne, var ifølgje Fagerland heilt topp. No gler ho seg allereie til såtekonsernten neste sommar. Då vil ho absolutt tilbake.

Tur til Våge for å sjå på folkelivet vart det også tid til etterpå, der Sivert mellom anna fekk kosa seg på trampoline og i karusell.

– Eg er imponert over kva eit bygdesamfunn som Tysnes klarar å få til, skryt Sandra Fagerland.

– Himmelsk oppleving

Ein av dei mange som også nytte konserten på Såto var Øyvind